

Молитва о упокоении отдавших жизнь за други своя

Господи, Боже наш, Владыко жизни и смерти, Отче небесе и земли, Ты рекл еси: Призови Мя в день скорби твоея и изму тя, молимся убо тебе, Отче, услыши печаль нашу и помяни во Царствии твоем православных пожарных воинов на брани с огненной стихией убиенных, и прими их в небесный чертог Твой, яко мучеников изъявленных, обагренных своею кровию, пострадавших за люди Твоя и град сей.

Молим Тя, Превлагий Господи, прими с миром убо отшедших к Тебе, отдавших жизнь свою за благоденствие наше и подаждь им вечное упокоение, и помилуй их Твоим милосердием, прости им вся согрешения в жизни сей содеянная и словом, и делом, и помышлением, ведением и неведением.

Призри благосердием Твоим, о Премилосердный Господи, на страдания их и вземни им вся сия в подвиг добрый и Тебе Благоугодный.

Призри с небесе, Боже, и виждь слезы сродников их и всех zde молящихся, и прими умиленные о них мольбы чад их; услыши молитвенная воздыхания отцев и матерей, неутешных вдовиц, братий и сестер, плачущих о своих присных.

Воззри на сердечная скорби наша, виждь сетование наше и умиლოსердися, Превлагий, к молящимся Тебе, Господи! Ты отъял еси от нас присных наших, но не лиши нас Твоея милости: услыши молитву нашу и прими милостивно отошедших к Тебе приснопоминаемых нами рабов Твоих; воззови их в чертог Твой, яко послуживших Тебе верою и правдою, и упокой их во Царствии Твоем, яко мучеников, отошедших к Тебе, в страшных мучениях предавших дух свой. Всели во святыи Твой град всех приснопоминаемых рабов Твоих, мужественно подвизавшихся в страшной огненной брани и венцев мученических сподоби; водвори их в сонме славных страсготерпцев, добропобедных мучеников, праведных и всех святых Твоих. Аминь.

